

Aðalfundur íslenska safnaðarins í Noregi

4. maí 2014 í Nordberg kirkju

Viðstaddir 46 manns í upphafi fundar.

1. Formaður kannar hvort til fundar sé löglega boðað. Staðfest að svo sé.
2. Kosning fundarstjóra og fundarritara. Ingibjartur Jónsson kosinn fundarstjóri og Brynja Gunnarsdóttir fundarritari.
3. Skýrsla formanns. Arnar Páll Michelsen kynnti skýrsluna, sem lá fyrir meðal fundargagna.
4. Stefna stjórnar. Helga Sigríður Þórsdóttir kynnti stefnu stjórnar. Stefnan lá fyrir meðal fundargagna. Stefna stjórnar samþykkt samhljóða.
5. Skýrsla prests. Sr Arna Grétarsdóttir fór í gegnum skýrsluna í orðum og myndum. Skýrslan, ásamt viðaukum, m.a. skýrslur frá listanefnd og Ólafíusjóði, lá fyrir meðal fundargagna.
6. Fjárhagsáætlun og ársreikningar lagðir fram. Arnar Páll Michelsen fór yfir fjármálin, í fjarveru gjaldkera. Áritun endurskoðanda lá fyrir meðal fundargagna. Ársreikningar samþykktir samhljóða. Fjárhagsáætlun lögð fyrir fundinn og var samþykkt samhljóða.
7. Kosning í safnaðarstjórn og varastjórn. Arnar og Brynja ganga úr safnaðarstjórn. Arnar gefur kost á sér aftur og Einar Helgason úr varastjórn býður sig fram í aðalstjórn. Engin fleiri framboð komu og voru þeir þar með sjálfkjörnir. Einar Traustason er búinn með sín 4 ár í varastjórn en gefur kost á sér áfram. Auk þess losnar pláss í varastjórn eftir Einar Helgason. Þessir bjóða sig fram: Einar Traustason, Eygló Sigmundsdóttir, Ólafur Ragnar Pálsson, Ármann Jóhannesson og Jóhann Karl Hirst. 46 greiddu atkvæði. Eygló fékk 27 atkvæði og Ólafur og Einar 21 atkvæði hvor, svo það þurfti að kjósa aftur milli Ólafs og Einars. Atkvæði fóru þannig að Ólafur fékk 22 atkvæði og Einar 21. Ólafur er þar með réttkjörinn í varastjórn.
8. Tillögur
  - a) Frá Listanefnd. Skipulagsskrá fyrir listanefnd lögð fyrir aðalfund. Eygló Sigmundsdóttir gerði þetta. Athugasemd frá formanni. Breytingartillaga: Liður 2: Nefndin starfar **undir** og með fjárframlögum frá sóknarnefnd skv fjárhagsáætlun. Skipulagsskrá Listanefndar samþykkt samhljóða með þessari breytingu.
  - b) Frá stjórn. Í lögum safnaðarins stendur að prestur skuli hafa aðsetur í Osló. Stjórnin biður um að fá undantekningu frá þessum lið og skoða húsnæði í Oslo og Akershus. Fundurinn beinir til safnaðarstjórnar að hún leggi fyrir næsta aðalfund lagabreytingartillögu þessa efnis. Samþykkt einróma.
  - c) Frá stjórn. Auka greiðsur fyrir fundarsetur á stjórnarfundum upp í 800 kr fyrir hvern fund og greiða líka varastjórn fyrir fundarsetu. Tillagan lá fyrir meðal fundargagna. Tillagan samþykkt samhljóða.

9. Kosning í kjörnefnd og aðrar nefndir. Tveir af þremur ganga úr kjörnefnd. Fundarstjóri lýsti eftir tillögum. Stungið upp á Margréti Ólöfu Magnúsdóttur og Sturla Jónsson gefur kost á sér aftur. Samþykkt með lófataki.

10. Önnur mál.

a) Guðni Ölversson. Sagði frá heimildarmyndinni um íslenska söfnuðinn og Ólafíu Jóhannesdóttur og tengslin þar á milli. Kvikmyndin er vel á veg komin og verður vonandi frumsýnd á afmælisdegi Ólafíu í október 2014. Mikið efni er til og aðeins brot af því er hægt að nota í 27 mínútna mynd. Það kemur til greina að nýta eitthvað af efninu til að búa til aðra mynd, með áherslu á sögu safnaðarins.

b) Arnar Páll formaður þakkaði Guðna fyrir starf hans í sambandi við kvikmyndina. Lagði svo fram ályktun um að Ólafíustofa sé að verða of lítil. Biður fundin um samþykkt fyrir að stækka Ólafíustofu ef tækifæri gefst. T.d. ef losnar íbúð við hliðina. Ályktunin var skrifleg og fundarstjóri las hana upp og bar undir atkvæði. Bent var á að það geti orðið erfitt að fá samþykki fyrir að breyta íbúð í skrifstofuhúsnæði, en ályktunin var samþykkt einróma.

Fundi slitið.